

Na osnovu člana 212. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08) i člana 210. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), Parlament Federacije Bosne i Hercegovine na sjednici Predstavničkog doma održanoj ..... 2015. godine i na sjednici Doma naroda održanoj ..... 2015. godine, donio je

### **AUTENTIČNO TUMAČENJE**

#### **ČL. 16. I 46. ZAKONA O OBRTU I SRODNIM DJELATNOSTIMA**

(„Službene novine Federacije BiH“, br: 35/09 i 42/11)

1. "Na osnovu stava (4) člana 16. mogu se izdavati i izmjene rješenja zbog promjene podataka ili uslova poslovanja obrta ili srodne djelatnosti i te promjene se, također, obavezno unose u Obrtni registar."
2. "Nadležni opštinski organ kao datum prestanka obavljanja obrta po sili zakona će uzeti vrijeme kada je neosporno utvrdio postojanje jednog od razloga navedenih u članu 46. od tačke a) do tačke n)."
3. Autentično tumačenje predstavlja integralni dio teksta ovog zakona, te se shodno primjenjuje od stupanja na snagu Zakona o obrtu i srodnim djelatnostima i objavit će se u "Službenim novinama Federacije BiH".

PF broj: \_\_\_\_\_/15

\_\_\_\_\_ 2015. godine

Sarajevo

Predsjedavajuća  
Doma naroda  
Lidija Bradara, s.r.

Predsjedavajući  
Predstavničkog doma  
Edin Mušić, s.r.

# **O B R A Z L O Ž E N J E**

## **I PRAVNI OSNOV**

Pravni osnov za podnošenje ove inicijative, kao i primjenu autentičnog tumačenja sadržan je u članu 210. stav 2. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj: 69/07 i 2/08), kao i članu 205. Poslovnika Doma naroda Parlamenta Federacije Bosne i Hercegovine ("Službene novine Federacije BiH", broj: 27/03 i 21/09), koji propisuju da Vlada Federacije BiH može biti podnosilac prijedloga za davanje autentičnog tumačenja zakona ili drugog akta odnosno da autentično tumačenje zakona ili drugog akta donosi Predstavnički dom Parlamenta Federacije Bosne i Hercegovine, odnosno Dom naroda Parlamenta Federacije Bosne i Hercegovine.

## **II RAZLOZI ZA DONOŠENJE**

Odredbama stava (3) člana 16. Zakona o obrtu i srodnim djelatnostima definisano je da nadležni organ, na teritoriju na kojem će biti sjedište obrta donosi rješenje kojim se odobrava obavljanje obrta, ili rješenje kojim se zahtjev odbija, u skladu sa Zakonom o upravnom postupku, u roku od 15 dana od dana prijema urednog zahtjeva. Obzirom da u toku obavljanja djelatnosti nastupaju različite okolnosti (promjene podataka ili uslova poslovanja obrta ili srodne djelatnosti), zbog kojih je neophodno mijenjati rješenje, logično je da se sve izmjene rješenja rade po istim odredbama Zakona o upravnom postupku kao i rješenje kojim se odobrava obavljanje obrta, ili rješenje kojim se zahtjev odbija.

Obzirom da je stavom (4) člana 45., kojim je definsan prestanak obavljanja obrta odjavom, propisano da se obrt ne može odjaviti unatrag, te da je iz pobrojanih okolnosti u članu 46., kada obrt prestaje po sili zakona, jasno da se te okolnosti mogu utvrditi samo naknadnim uvidom u relevantnu dokumentaciju i kontrolom na terenu, može se zaključiti da će opštinski organ uprave kao datum prestanka obavljanja obrta po sili zakona uzeti vrijeme kada je neosporno utvrdio postojanje jednog od razloga navdenih u članu 46. od tačke a) do tačke n).

## **III FINANSIJSKA SREDSTVA**

Za realizaciju ovog autentičnog tumačenja nije potrebno izdvojiti posebna sredstva iz Budžeta Federacije BiH.